



Tsis txhob hnov qab txog

COV NYIAJ SE RAU ME NYUAM THIAB WORKING FAMILY CREDITS!

Txawm hais tias koj tsis raug yuam ua se hauv Minnesota, los koj tuaj yeem ua tau daim ntawv kom tau Minnesota cov nyiaj se muaj txiaj ntsig. Working Family Credit thiab Nyiaj Se Rau Me Nyuam muab kev txo cov se them rov qab ntawm cov neeg uas tau nyiaj hli qis dua cov qib uas tau teev tseg. Ob yam credits no poob rau kis hais tias "refundable", nws txhais tau tias koj tuaj yeem tau nyiaj them rov qab rau koj, tab txawm hais tias koj tsis muaj se them.

Kev Them Nyiaj Ua Ntej Ntawm Qhov Nyiaj Se Rau Me Nyuam

Pib txij lub caij ua se rau xyoo 2024, koj tuaj yeem xaiv kom tau ib feem ntawm koj cov Nyiaj Se Rau Me Nyuam rau lwm xyoo, uas them peb zaug ua ntej koj yuav ua koj cov se rau xyoo tom ntej. Xav paub ntxiv, mus rau www.revenue.state.mn.us thiab ntaus **Advance Payments** rau hauv qhov chaw Search.

Qhov Nyiaj Se Rau Me Nyuam yog dab tsi?

Qhov Nyiaj Se Rau Me Nyuam muaj rau cov pej xeem nyob hauv Minnesota uas muaj cov me nyuam hnuv nyoog yau dua 18 xyoo. Yog koj ua daim ntawv se hauv Minnesota, koj muaj feem yuav tau \$1,750 rau ib tug me nyuam twg, txawm pes tsawg tug los yeej tsis muaj kev txwv.

Working Family Credit yog dab tsi?

Qhov Working Family Credit muaj rau cov neeg ua hauj lwm hauv Minnesota uas tau nyiaj hli rau ib xyoo twg. Qhov Working Family Credit uas tau ntau tshaj yog \$350 yog tias koj qhov nyiaj khwv tau txwm \$8,750 los sis ntau dua, thiab tsis tas li ntawd qhov nyiaj tau ntawd tuaj yeem siab dua xws li qhia nram qab no:

- Tsuas tau \$350 yog tias tsis muaj ib tug me nyuam uas tsim nyog tau raws li nws hnuv nyoog
- \$1,275 rau ib tug me nyuam tsim nyog uas muaj hnuv nyoog 18 xyoo los sis hlob dua
- \$2,450 rau ob tug me nyuam tsim nyog uas muaj hnuv nyoog 18 xyoo los sis hlob dua
- \$2,850 rau peb los sis coob tus me nyuam tsim nyog uas muaj hnuv nyoog 18 xyoo los sis hlob dua

Ob qho Nyiaj Se Rau Me Nyuam thiab Working Family Credits yuav raug txo, yog tias koj ua se Married Filing Jointly thiab koj cov nyiaj ntxiv ua ke ntau tshaj \$36,880. Tsis tas li ntawd, nws yeej yuav raug txo tib yam nkaus rau lwm tug neeg ua se, yog lawv cov nyiaj khwv tau ntau tshaj \$31,090. Qhov credit yuav raug txo 12% raws li koj cov nyiaj hli, los yog koj cov nyiaj khwv tau tag nrho, nyob ntawm seb qhov twg siab dua.

Kuv yuav thov cov credits no li cas?

Rau cov se xyoo 2022 thiab yav dhau los, kom thov tau qhov Working Family Credit, siv daim ntawv Schedule M1WFC, Working Family Credits. Qhov Nyiaj Se Rau Me Nyuam ib txwm tsis muaj txog thaum xyoo ua se 2023.

Rau cov se xyoo 2023 thiab txuas ntxiv, kom thov tau ob qho Nyiaj Se Rau Me Nyuam thiab Working Family Tax Credits, siv daim ntawv Schedule M1CWF, *Minnesota Child and Working Family Credits*, uas yuav muaj nyob rau lub caij ua se tom ntej no.

Kev Pab Ua Se Pub Dawb

Tej zaum koj kuj tsim nyog tau kev pab ua se dawb thiab! Mus rau www.revenue.state.mn.us thiab ntaus **free tax preparation** rau hauv qhov chaw Search kom nrhiav tau cov kev pab ua se pub dawb uas nyob ze koj.